
Frå: Leiar Eikanger idrettslag <leiar.eikangeril@gmail.com>
Send: mandag 31. august 2020 13:26
Til: anderse.olav.dale@alver.kommune.no; Olav Steinar Namtvedt;
bjorn.t.hesjedal@gsk.com
Kopi: Eirik Bouwer Utne; Jan Gunnar Hovden
Emne: Kommentar anleggsstrategi - Alver kommune

Hei!

Den 18. mai fekk Eikanger IL tilsendt anleggsstrategi for Alver 2020-2024 på epost frå kommunen. Me titta på planen, og var nøgd med innhaldet slik det var skissert. I planen lå følgjande (av interesse for Eikanger IL):

Hall Ostereidet - prioritet nr. 26 og 1. søk 2021.

I langtidsplanen var vi òg nøgd med at **Rehabilitering Friidrettsbane og rehabilitering kunstgress på Ostereidet**, begge var nevnt først i lista på langtidsplanen, altså at nevnte anlegg lå foran dei andre aktuelle friidretts og kunstgressbanar som har behov for rehabilitering. .

Vi så difor ikkje noke grunn til å gje nytt innspel på dette punktet, då med tolka lista (sjølvom det lista ikkje er prioritert med tall) som ei opplisting med kva tiltak ein må sjå på først.

Så ser me i endeleg utkast til anleggsstrategi, som no skal til vedtak i kommunestyret, at "Fleibruksanlegg Ostereidet", er lagt på langtidsplan, utan definert 1.søks år.

Kvifor er hall på Ostereidet tatt vekk får kommunen sin prioriterte liste?

Hallen på Ostereidet er eit av få investeringsprosjekt, som angår idretten, òg som framleis ligg inne i vedtatt økonomiplan for perioden 2020-2024.

(Sjå vedtak frå

kommunestyret

I henhold til gjellande økonomiplan, ligger hall på Ostereidet inne med følgjande framdriftsplan:

Totalramme 75,000,000:

2020: 1Mnok

2021: 2Mnok

2022: 50Mnok

2023: 22Mnok.

Ein er klar over at den økonomiske situasjonen i Alver kommune, kan påverka neste økonomiplanperiode og såleis framdrifta kring ny hall på Ostereidet.

Men før politkarane vedtar noko anna, ser me ikkje noko grunn til at kommunen si anleggsstrategi skal legge opp til ein anna framdrift enn kva årets økonomiplan (vedtatt desember 2019) legg opp til. Dei økonomiske utfordringane kring prosjektet på Ostereidet har vore skissert av Rådmann både i Lindåsøkonomien og seinast i økonomiplan for Alver kommune.

Men i alle dei siste åra har politkarane (og Lindås idrettsråd) klart å prioritere hallen.

Rehabilitering kunstgressbana Ostereidet

Eikanger IL ved leiar for Fotball sendte i september 2019 innspel til kommunen og idrettsrådet (sjå vedlegg) om dei dårlege baneforholda på Ostereidet kunstgras. Kunstgraset er frå kring **2001**, og er overmoden for rehabilitering. Behovet vore spelt inn i mange runder med anleggsstrategi og ikkje minst i idrettsplan for Lindås kommune.

Representantar frå den gang Lindås kommune, har fleire gonger vore på befaringspåkøyst på Ostereidet, og sagt at friidrettsbana og fotballbana, er dei eldste og minst vedlikeholdte anlegga i kommunalt eige.

Me legg difor merke til at det i siste utkast av anleggsstrategi for Alver kommune, er prioritert inn rehabilitering av kunstgress i Knarvik. Me er glade for at kommunen ynskjer å prioritera rehabilitering av bana i Knarvik, den er på lik linje med bana på Ostereidet overmoden for rehabilitering. Det vi samstundes undres over, er korleis ein prioriterer slike anlegg i planen, kva skal til for at kommunen til dømes prioriterar bana på Ostereidet?

For sein til høyringsfrist

Me er klar over at innspela her kjem for seint i henhald til høyringen.

Men dokumentet me fekk tilsendt i mai 2020, så ok ut slik den var presentert.

Me er då ikkje nøgd med endeleg utkast som no går til politikarane, idrettslaget (og idrettsrådet?) har ikkje hatt anledning til å respondere på dei endringane ein ser (spesielt at Hall på Ostereidet er flytta til langtidsplan).

Me ber om at idrettsrådet er merksam på dette, og at kommunen sytar for å ha Hall på Ostereidet inne i anleggsstrategi, all den tid hallen framleis er finansiert i vedtatt økonomiplan.

I tillegg bør ein gjere ein storstilt vurdering av alle dei kommunale anlegga samla, for å sjå kva anlegg ein må prioritere rehabilitering på først. Me opplev at tida for anlegga på Ostereidet er overmoden, men på trass av fleire innspel og rapportar til då, Lindås kommune, ser ein ikkje korleis dette vert prioritert opp mot andre behov. Me heiar på alle gode tiltak for idretten i kommunen, men me ynskjer òg ei rettferdig saksgang for dei prosjekta som vert prioritert, så ingen føl seg utelate.

Med helsing frå
Hovudstyret Eikanger Idrettslag,
v/Nestleiar Gro Lunde